



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Francisci Borgiae Tertij Societatis Iesv Generalis

Ribadeneyra, Pedro de

Mogvntiae, 1603

XIX. De scriptis ab eo editis

urn:nbn:de:hbz:466:1-45256

rum autem fidem longo usu, experimentisq; probasset, his fide-
re suetus, & multa indulgere.
Falli, quam male de aliis, & ini-
que suspicari; accipere item in-
iuriam, quam facere malebat.
Ingenij bonitate, supra medio-
citatē litteras est adeptus, præ-
sertim sacras, quibus, ut par est,
delectabatur impensius: partim
studio, diligentiaque, partim
oratione pia, meditationeque
rerum æternarum.

CAPVT XIX.

De scriptis ab eo editis.

SCRIPSIT, Ducis munus
Setiamnum sustinens, libel-
los sex ad pietatē excolendam:
non infrugiferos ijs, qui ad per-
fectæ vitæ metam contende-
rent: qui Latine in vulgus editi,
Alphon-

Alphonso Deca, Compluti Societatis Theologo, interprete, circumferuntur. Singula nunc recensebo. Primum Concio est habita in illud Lucae Cap. XIX. *Vt appropinquavit IESVS, videns ciuitatem, fleuit super illam.* Speculum item operum Christiani hominis. Collyrium spirituale: quo docet se quemque nosse oportere. Dehinc est Praeparatio ad Eucharistiam digne sumendum: item Spiritus exercitationes, ad sui cognitionem. Sextus est, Hymni illius decantati Explanatio, *Benedicite omnia opera Domini Domino.* Haec tantum edita, pro legitimis scriptor agnouit. Commentatus tamen est, non inficior, & alia quaedam; sed rudia, & impolita cum essent, lucem nondum aspererunt: excepto libello de *Euan-*

gelica predicatione, seu de Ecclesiastica officio. In his erant de perfectionibus animæ Christi à conceptu, ad vltimum vsque, in Cruce, spiritum. Threnorum Hieremiæ Explanatio, quam in Pintiana, & Complutensi Academia dictauit. Meditationes item de morte CHRISTI Saluatoris, in horas diurnas, ac nocturnas distributæ. Denique Meditationes in Euangelia Aduentus, Quadragenarij ieiunij, Dominicorum, festorumque dierum; profectæ ab oratione potius ad DEVM fusa, quam ex libris acute, & subtiliter haustæ. Quibus, tanquam iaculis diuinis, auditorum mentes, ad bonam frugem reuocando, suaviter vulnerabat, vt ad virtutis studium inflammaret, à vitijs deterreret.

DE